

HAEREERENGIA I Nga Takiwa Maori.

(He voanga atu no nga korero i panuitia i tera putanga o 'Te Pipiwharaua'.)

TE KARAKIA.

Tenei ano tetahi mea i kitea e au, a i puaki rawa te aroha. Atu o Turanga, a, tae noa ki Te Kawakawa toko-wha tonu nga miniti, tokotoru he tino koroua rawa, kotahi ano te mea mama. Haunga tena. Te mea tino pouri rawa he kotahi tonu no te tamaiti o tenei takiwa kei Te Raukahikatea e noho ana. Te ahua o te iwi ki te titiro iho, ano he hipi e marara ana, i te kore hepara. Na ratou tonu tenei kupu whakarite i mea mai ki a au i runga i a ratou whai-korero. Kua mate a Eruera Kawhia, oira mehemua he tika tenei kupu, -- "Ko te wikitoria e riro mai i te Hahi me na-runga atu i nga urupa o te hunga kua mate," kua tata te wa e ngakia ai tenei mate nui e a tatou tamariki. He tono tenei ki nga tamariki kua whiwhi nei ki te matauranga kia tapae atu i o ratou ngakau hei whakahere ki te Atua, a mana e unga ki te maara e takoto kore kai-mahi mai ra. E nga tamariki o Te Aute, whakaarohia tenei.

TE WHAKAARO MO Nga Mahi o
TE MATAURANGA.

Koia nei tetahi mea whakamiharo o tenei iwi, ara ko te whakaaro nui o nga pakeke kia whiwhi a ratou tamariki ki te matauranga hei mahi i nga mahi pai. E ahua whakahi ana o ratou ngakau no te mea na ratou nga tamariki tuatahi kua puta ki nga mahi nunui a te pakeha. Kua roia etahi, kua miniti etahi, kua kai-whaako kura etahi.

He oranga ngakau no nga rangatira o tenei iwi te kite i te tamaiti e tika ana te haere, a, ka atawhaitia hoki e ratou. I runga i te whai-korero a te Pirimia o Kahukura ki a au i penei tona mihi mai, "Ka tangohia koutou, nga tamariki kua whiwhi ki te matauranga tika 'hei putiputi mo roto i te kaari a Ngati-porou.' Ko nga tamariki e tika ana te haere he tamariki ena na matou, ko nga tamariki e kotiti ke ana no ro tataramao ena."

Na reira ano tenei iwi i kake ai, he mohio no ratou kei te matauranga o te pakeha te tika inaianei. Inahoki e kite iho nei au i te Nana 25 o Te Pipiwharaua, ki te reta mai o Te Aute, e 28 rawa ia o Ngati-porou kei reira. Ka kino te haere!


Kia penei te haere a etahi atu iwi, tino pai atu tatou te Maori. Me whakamutu te titiro whakatonga atu ki a koutou tamariki. Ma konei tatou ka tika ai inaianei.

I korerotia e au enei kupu i roto i tetahi pukapuka pakeha: "Ki nga hapu e noho tonu ana i runga i te ahua o mua, ka riro ano i nga kaumatua te mara: tena ka kake haere nga mahi a te hapu, ka mahue nga koroua ki muri a, ka whiti ko nga tamariki ki mua."

Heoi ra nga kupu mo tenei takiwa Maori. Kia ora koutou katoa i roto i tenei tau hou.

"Ka tae ki Rankawa
Ka tu mai to rianga;
Hei konei e Porou
Mawhe kino i ra!"

NA TETERE WI REPA.



NGA TIKANGA O TE PIPIWHARAUAO.

I. Ki te tubi mai ki te Pepa me penei:—
TE ETITA O TE PIPIWHARAUAO.
TE RAU, GISBORNE.

Kaua rawa e tuhia te ingoa o tetahi tangata

II. Kotahi putanga o te Pepa i te marama hei te wiki whakamutunga.

III. Ko te utu o te Pepa e rima hereni, 5/-, mo te tau.

IV. Ko nga moni katoa e tukua mai ana ki Te Pipiwharaua, me nooti o te Poutapeta; oira ki te kore e taea tena, e pai ana ano te tuku mai ki te pane-kuini, engari hei nga mea kotahi kapa.

NGA HUA KAREAO MA TA TATOU MANU.

6/ Winiata te Hata. 5/- Revs. F. H. Spencer, H. T. Pierari; Hoani Hape, Rahiera Whareau, Henare Pereto, Tihira Horoati, Father Lightheart. 2/6 W. Mahanga, Noa Rangimui, Hakuaia, Nimerata Rammati, Rutene Ahumuku, Ataria Tipuna.

MO TE MATE KAI KI INIA.

£55 13s. 6d. no te haka a Ngatiwone: o roto o tenei moni £210 na Ngati konohi, e £4 na Rongowhaka, £114 na Ngatiapapani, 10/- na Harata Aratapu raua ko Karaitiana Tekeu. £1 Rewi Haapu. 10/- Tanga Hinaki raua ko Marahau. 2/6 Peta Haapu. 2/- Katerina, W. Rota, J. M. Haapu, Hamaora. 1/- Kapi, Tiri, Tu, Papa, Arihia, Pentanone. 1/4 Kurumanoa.